


Heimsókn til Danmerkur í október 2010

Fyrsta heimsóknin í þessu verkefni var til Danmerkur í Stadil Vedersö grunnskóla en hann liggur á Vesturströnd Jótlands. Fjórir kennarar frá Flataskóla fóru í eina viku þangað en það voru þær Ragna Gunnarsdóttir og Rakel Svansdóttir kennarar í 2. bekk, Elín Ása Þorsteinsdóttir kennari í 6. bekk og Kolbrún Svala Hjaltadóttir kennsluráðgjafi í tölvu- og upplýsingatækni. Auk íslensku þátttakendanna komu þrír kennarar frá hvoru Eystrasaltslandanna Lettlandi og Litháen.



Allir gestirnir tóku þátt í kennslu í danska skólanum og kenndu Íslendingarnir nemendum að þæfa utan um steina, glíma við gamla leiki eins og að reisa horgemling og hoppa yfir sauðarlegg. Einnig var þeim kennt klappið okkar góða til að fá hljóð í salinn og virkaði það vel. Eru Danir nú að nota það með góðum árangri.

Hinir gestirnir kenndu heimilisfræði, myndmennt og dans og leiki. Gestirnir færðu Dönum dúkkur í þjóðbúningum landa sinna sem nemendur höfðu búið til og það mun einnig verða gert í næstu tveimur heimsóknum.





Gestirnir fóru í heimsókn í annan skóla þar sem sýndar voru myndir frá Íslandi og nemendur töluðu við vísindamann frá Íslandi sem svaraði spurningum þeirra á Skype eftir sýninguna.

Nemendur notuðu myndefnið úr fyrirlestrinum til að útbúa myndir og voru margar þeirra af eldfjöllum.

Gestunum var boðið í heimsókn á víkingasafn, einnig fengu þeir fyrirlestur um fræðslufyrirkomulag í Danmörku. Farið var á dansæfingu hjá hópi í



þjóðdönsum sem er búinn að dansa saman í 30 ár og þar fengu gestirnir að dansa með þeim íslenskan dans og syngja undir dansinum um hann Ólaf liljurós, einnig voru dansaðir litháenskir og lettneskir dansar.